



Na osnovu Sporazuma o međusobnim obavezama angažovanja Oružanih snaga BiH za potrebe Grada Goražda koji su potpisali ministrica odbrane BiH Marina Pendeš i gradonačelnik Goražda dr.sci. Muhamed Ramović kojim se angažovala inženjerska jedinica Oružanih snaga u svrhu sanacije puteva u mjesnim zajednicama Orahovice i Kraboriš, u toku su radovi na sanaciji makadamskih puteva u pomenutim MZ.



Tim povodom radove je danas posjetio gradonačelnik dr.sci. Muhamed Ramović sa saradnicima koji je tom prilikom u izjavi za medije istakao – "Na bazi iskustva koje smo imali sa Oružanim snagama BiH kada je u pitanju MZ Osječani gdje smo imali aktivnosti uređenja puteva, što se pokazalo jako opravdanim. Naime, sa ovim projektom mi učestvujemo kao podrška logistike, gorivo, smještaj i ishrana vojnika tako da ako uradite projekat u vrijednosti od 100 000-300 000 KM nas košta svega oko 10% što je jako opravdan ovaj projekat. Mi smo aplicirali u ovoj godini i naišli na razumjevanje ministricе Pendeš i njenih saradnika, zaista smo zahvalni, dali su odobrenje da inženjerska ekipa l ove godine provede mjesec dana na području Grada Goražda. Aplicirali smo za područje dvije mjesne zajednice i to Orahovice, gdje su jučer završeni radovi i evo danas smo na području MZ Kraboriš. Istina mašine su ogromne i neće moći ući u sve te dijelove, pa zato imamo rješenje sa manjim mašinama da se uradi taj dio. Ovdje se vrši nasipi. Imali smo i problema kako da odaberemo najbolje mjesto za nasip koji

U TOKU SANACIJA PUTNIH PRAVACA U MJESNIM ZAJEDNICAMA ORAHOVICE I KRABORIŠ

Autor gorazde.ba

Utorak, 06 Novembar 2018 16:14

mora biti kvalitetan da bi uradili put. Ako stavite nasip koji nije kvalitetan onda sa prvom kišom i nevremenom to će se upropastiti. Mi ćemo i za slijedeću godinu aplicirati na bazi te naše dosadašnje dobre saradnje i razumjevanja Oružanih snaga. Vidimo da je inženjerska ekipa, osim što su dobro opremljeni, to su ljudi oficiri koji vrlo profesionalno znaju taj posao. I mi smo se pokazali kao dobri domaćini. Riječ je o jednoj dobroj saradnji Oružanih snaga BiH i lokalnog stanovništva.”



Da je za građane mjesne zajednice Orahovice ovo važan projekat naglasio je predsjednik Savjeta mjesne zajednice Adem Mutapčić koji je ovom prilikom naglasio – "Putni pravci na području MZ Orahovice su Čemeričko vrelo- Orahovice-Zorovići - Brzača. Drugi pravac je bio OrahovicE- Jasen-Brzača. To je u dužini oba puta 18 km. Uradili su put koji ova mjesna zajednica kako postoji nije nikad to doživjela. Tako da su stanovnici i ja kao predsjednik Savjeta MZ smo veoma zadovoljni. Ovom prilikom bi se moram se zahvaliti stanovnicima MZ Orahovice na dobrotvornom prilogu sa kojim su učestvovali u ovoj akciji. Obaveze MZ su bile da obezbjedimo vojsci smještaj i hranu."

Zahvalnost u ime građana istakao je i predsjednik Savjeta MZ Kraboriš Hamdo Konjević: "Ovo je veliki doprinos za ove ljude koji žive ovdje. Zahvaljujem se Oružanim snagama i Gradonačelniku. Ovo je za nas veoma bitno."